

اعتصام

۹ ربیع الآخر سنه ۱۳۳۸

۱ فانوردائی سنه ۱۳۳۵

{ منافع عامه بر خدام، مجموعه اسلامیہ }
۱۳۳۵

آقشهر مفتی فاضلنک برہکتوب وبر تنقیدنامہ سی حاجی مصطفی

مرحوم جودت پاشانک بر جوابنامہ سی طاہرالمولوی

تأثرلره قارشی تسلیملر

علاءالدین روج

جاهلیت دورنده وصدر اسلامده تاریخ

محمد عالم

گوی اماملری

احمد امری

عبرته سائق بر نظام رائق

محمد امین

دینی وعظائر نه صورتله عمومیشدیرلمه لیدر ؟

فیثانی (۵) غر و شدز

فاتح - اعتصام

۱۳۳۴



عبارت اولدیفنی ا کلا دق، موسویتک عیسویتدن - زمان اعتباریله - مقدم اولماسی و عیسویتله اسلامیت ارهسنده باشقه بر دین ظهور ایتمش بولنمامه سی ، اولاخواس اسلامه و انلر واسطه سیله ده عوام اسلامه او کی سوزلری سسویله ته جک بره منشأ غلط اولمشدر . موسویلر ایله عیسویلرک هر ایکینی ، حضرت آدمدن بدأ ایله انبیای عظام حضرت اتندن هر برینه متساویاً ایمان ایده ، ایده حضرت موسایه قادار کلیر و اوراده توقف ایدرلرسه ، موسویلر حضرت محمد علیه السلامه کچمک ایچون ارهده کی حضرت عیسایه ده ایمان ایتمک مجبوریتنده درلر . عیسویلر ایسه حضرت عیسایه ذاتاً ایمان ایتمش بولندقلرندن طولانی حضرت موسادن حضرت محمد کچمک وضعیتنی احراز ایدرلر .

ایشته بوفرضیه کوره ومبدأ ایله منتها آرهنده کی واسطه لردن منتهایه متصل اولان بر واسطه نك اولجه اره دن چیمش بولنماسی اعتباریله - عیسویلرده - بر یقینلق کوروله بیلیر . بوفرضیه نك نفس الاسره مطابقتنی قبول ایتدیکمز تقدیرده اعتبارمذکورجه ایستشمام اولنان یقینلق ادیان آرهنده آرانیلان بریقینلق دکلدر . چونکه بویقینلق ، هر ایکی دینک اصول اعتقادیه وعملیه سی آرهنده آرانیلور . بونقطه نظر دن اسلامیه هانکیسنک دها یقین اولدیفنی ا کلامی ایچون موسویت ایله عیسویت آرهنده برمسابقه آچارسق هر ایکی سی منابه صورتیه حق قازانیرلر . بناء علیه کرک جودت پاشاصحومک و کرک سائر خواص و عوام اسلامیه نك عیسوی اسلامیه موسویتدن دها یقین عد ایتهلری طوغری دکلدر . اوفرضیه نك خلافته اوله رق موسویلرک حضرت عیسایه غیر معتقد بولنمالری کی عیسویلرده حضرت موسایه غیر معتقد ایسه لر واسطه نك آزانلی مناسجه ده بر قریشه مظهر اوله مازلر .

تأثر لره قارشنی تسلیلر

چورلوده محترم فیضی بك قرده شمه :

کائنات ، بری و بحری ، محیطی و محاطی - هیئت جموعه سیله برابر دون و حرکت ایدر . هرشی ، هر ذره ، هر جزء ، هر کتله کنیدی محوری ؛ خط معینی داخننده بر حرکت باسور . دونیور و کیدیور . کاه مبدأ منتهاسی ، کاه منتها مبدئی .

اولی اوزره حرکت و مواصلتدن خالی دکل ... سکونت و عطالت ذرات کائناتک
جمله سنک خاصه اصلیه و طبیعیه سندن اولدینی حالد هپسی ده برید ناسرینک تحریرک
جبریله اصلارندن عدوله ، طبیعتلرندن رجوعه مجبور ایدلمش قهری بریور ویشله
ساحه فعالیتیه آتیلمش ، آرزوسی مغایری یوریور . و نیچون یورودیکنی ، نیچون
حرکت ایتدیکنی و زویه حرکت ایتدیکنی بیلمه دن بی سروبین صرف محرکک
اراده و اختیار مستبدانه سنه تبعاً یورویوب کیدیور .

هر شینه برحرک ، برانتظام ویرلش اوحرک و انتظام داخلنده تحریرک ایدایور .
(کل یعمل علی شا کله) (وکل فی فلک یسبحون) (وکل امر مستقر) .

برکون ، کونشده لیکلر ظهور ایتش ، سیاراتده برحادثه جویه اولش ،
مظلم بلوطلر آفاقی قابلاش ، شمشکلر چاقش ، یاغمورلر یاغمش ، طوفانلر اولش . .
بزکون ، ینسه بویله بر حاده تختنده برکان اولش ، لرل ، حرکته کلش ، زلزله لر
اولش ، مملکتلر ییقلامش . . . برکون ، روزکارلر اولش ، آفاقی چینلار
خانمالر ییقلامش ، کره ک برطرفی هرج و مرج اولش . . . برکون ، انسانلر
حیرصلاقمش ، اوج بش سیاسی حرکته کلش ، محاربه باشلامش ، طوبلر ، تفنگلر
پاتلامش ، برکون ساحه کائناتده بر حصه معیشت قایم املیه دیدیشه ، اوغراشان
میلیونلرجه انسان خاک هلاکه سیرلش ، معصوملر ، یتیملر ، قادیلر ، طول والدهلر
ماتزده اولش ! . . . دیپلوماتلر ، حیفا ره لرینی یاقشیلر ، مقتوللرینک انقاض
مظلومانلری اوزرنده کیف چایورلر . هرکون ، هر دقیقه ، هر آن غیر منقسم ،
حادثات ایله مشبوع . . . (کل یوم هو فی شان)

نه کونش تولید ایتدیک حاده دن ، نه سیاره ، ایقاع ایتدیک شان دن ، نه
انسانلر ، ایجاد ایتدیک ظلملردن خبردار ! . . . هپسی ده مؤکل اولدقلری
وظیفه لرینی ایفا ایتش کبی مستریح و مسعود ! . . .

قاتل ؛ قان ا قان ا دیه باغیر یور . بتون کائناتی قان کورمک ایستیور ! . .
مرحمتکار ، مرحمت ! دیه بتون کائناتی آزاده حرص و منفعت ، مستریح
و مسعود کورمک ایستیور . . .

خلاصه : مثبت و منفیلکدن عبارت اولان فطرت کائناتک مثبتی ، اثباتی ،

منفیسی ، نفی کورمك ایستیور : او ، اوئی ، بو ، بونی . کندی خاصه سنه
وجاذبه سنه چکمه کدن بر آن بيله فارغ دکل . . .

نوفلر ، بوچکشمه لرنده بردوام ایکن کائنات ده بوجاده دائمی سایه عاطفته
موازنه سی ، آهنکئی یاشاتور . . بو ، چاره سر ، پک چاره سر . . که ، بویه .
عنیزم ! یاشامق ایچین بر آزده فلسفی و قلندرانه دوشونمك لازم . . . باقی حرمقلر .
لوله بورغاز: ۱۴ ، ۱۱ ، ۳۵ ، آووقات

علاءالدین روحی

— « جاهلیت دورنده و صدر اسلامده تاریخ » —

جاهلیت علومندن بری ده « تاریخ » ایدی که : بونکله کرک ازمه کرک وقایع
تعیین اولنوردی . امم جاهلیه نك هپسند اولدینی کی عربلرکه منتظم و ثابت بر
« مبدأ تاریخ » لری یوقدی . بر ایشك بك اسکی بر زمانده وقوعی آکلاقم
ایستیرلسه « کان ذلک زمن الفطحل » (۱) دیرلر و فانك کسری ، طانك فتحی ،
حانك و لامك سکونیه تلفظ اولنان فطحل کله سیله نوح علیه السلام دورینی
یاخود خلقت آدمدن مقدمکی زمانی قصد ایدرلردی . (۱) بوندن صوکراده بویوجک
و اهمیتی وقایعی تعیین زمانه مدار اتخاذ ایلشردی .

مثلاً : حجاز عربلری ، وقعه فیلدن شو قدر ییل مقدم یاخود « کعب » ک

(۱) الفطحل : هریر و زننده هنوز نوع انسان خلق اولنازدن مقدم اولان زمانه
دینور . علی قوله نوح پیغمبر علی نبینا و علیه السلام دورینه دینور . یاخود شول زمان
سابقدن مبارندرکه آنده طاشلر یکیشمه یوب جامور کی رطب و نرم ایدی ومنه المثل : کان
ذلک زمن الفطحل و هو الدهر لم یخلق فیہ الناس او زمن نوح علیه السلام او زمن کانت
الحجارة فیہ رطاباً . مترجم دیرک زحشری مستقصاده قول ثالثه نفسیر و اکاذیب عربدن
اولوق اوزره تقریر ایلهمشدر ومثل ضررور قدیم المهد مصرضنده مضروبدر . قاموس ترجمه سی .
بزم « جنویز زمانندن قالم » تعبییری کی عربلرک برده « هادی » لفظی واردرکه
قاموس ترجمه سنده شو صورتله تعریف اولونمشدر :

الهادی : یای نسبتله قدیم شیشه اطلاق اولنور کویاکه طاد قومنه مقسوبدر (بشر عادیه
بوندن درکه صوکرادن حفر اولما یوب قدیماً قالان قویو اولاجقدر .